
MINISTERUL EDUCAȚIEI
OLIMPIADA NAȚIONALĂ DE LIMBA RROMANI
ETAPA JUDEȚEANĂ
18 MARTIE 2023
ANUL III DE STUDIU - LICEU

- Savorre subijektură si musajutne.
- Den pen ivăthe 10 pùnttură.
- E butăqo vaxt si 3 òre.

O JEKHTO SUBIJÈKTO

32 pùnttură

DEL PES O TÈKSTO

Me sem i Alina thaj kamav te vakărav tumenqe palal jekh godăver zivutro. La mamă si la jekh daj-kaxni deşe kaxnörrença. Kamavas te khelav man kadale kaxnörănça, tha` i daj kaxni na mukhel man. Kana zav karing lenthe, i kaxni phukhărel pesqe pora, başel ruşli. Te kamavas te „ćorav” laŋar jekhe tiknorres – xutelas manthe. E mamăqi kaxni griżisarel zoralas pesqe kaxnörrenŋar. Sa o dïves rodel le tiknenqe laće xabena.

Daraŋar, nijekh aver kaxni andar i bar na beşel paşal e kaxnöră kana xan. I mămî phendăs kaj na sas la nijekhvar jekh daj-kaxni kaj te griżisarel pesqe tiknenŋar sar kadaja.

Kana kerdöl pes răt, i kaxni astarel e ćokoça e mamăqi fista thaj i mămî zanel so si i vrăma te putarel o udar te aven e kaxnoră andre te soven. I daj-kaxni zal paşal o bov, kothe kaj i mămî anglekerel lenqe e ratăqo xaben.

And-jekh palomezimëri, me thaj i mămî gelăm k-e nişte nămură and-o gav.

– Marinea! akhardăs i mămî le papos. Te na bistres te putares o udar te şaj te avel i kaxni andre! Xatărdăn, Marinea?

– Xatărdem, phenel o păpos sovalo. Sar te bistarav? Żan... na avela khanć tumare kaxnăça...

Kana areslăm palpale khere, râte – i kaxni na sas khanikaj. O păpos sovdăs anglal te soven e kaxnă. I ćorri mămî! Na maj dikhlem la te avel kadja ruşli. Maj but ćăsură rodăm and-i bar, p-o drom, savorre thanesŋe. Ivăŋe.

Palal but vrăma gelăm te sovas and-i livni. Xurăvdăm amen and-e sovipnasqe gada, kerdăm amenqe truşul thaj kamlăm te ćhas amen and-o sovthan. Andar jekh, aşundăm nişte başa. I mămî vazdăs o parind. Dikhłăm o şero e kaxnăqo.

– Klonk-klonk! kerdăs voj loşali.

– Vaj manŋar! mardăs i mămî andar e vasta. Te dikhes kaj garavdăs pes! Godăver kaxnie! Sar şaj uklile e şopnă e kaxnöră? Na xakărav!

Texarinăŋe, i kuć daj-kaxni thaj pesqe deş kaxnöră beşenas godăver paşal o udar, aţukăringoj te uştel i mămî te mukhel len avri.

– Klonk, klonk, klonk, na keren lărma! phenelas voj pesqe tiknorrenqe. Na maj si but! Uştel i mămî... maj si jekh cîra. Maj mukhen la te sovel!

(E mamăqi daj-kaxni, palal i Noemi Kordovan)

1. Xramosaren savo si o titolo, o autòro thaj e personàžură andar o dino tèksto!
6 pùnkturnă
2. Arakhen e mamujutne alava/ antonimură vaş e alava: *tiknorro, răt, cira, ćorro*.
4 pùnkturnă
3. Roden thaj xramosaren, andar dino tèksto, trin navnă/ substantivură! Xramosaren savo si lenqo gendero/ ling.
6 pùnkturnă
4. Roden thaj xramosaren, andar dino tèksto, ştar alava kerde andar trin silăbe! **4 pùnkturnă**
5. Roden thaj xramosaren, andar o dino tèksto, trin pašnavnă/ adžektivură! Xramosaren save substantivură determinisaren von.
6 pùnkturnă
6. Roden thaj xramosaren, andar o dino tèksto, trin kernavnă/ vèrbură save si ka-o akanutno vaxt.
6 pùnkturnă

O DUJTO SUBIJÈKTO

58 pùnkturnă

1. Ambolden gazikanes e anglutne trin alineătură andar tèksto dino maj opre! **18 pùnkturnă**
2. Keren po jekh propozicîa e avutne vortogramença: *and-o, k-i, p-e*! I propozicîa trebal te avel la po cîra panž alava.
6 pùnkturnă
3. Nakhaven e kernavnă/ e vèrbură „*zal – a merge*” thaj „*si – a avea*” ka-o akanutno vaxt!
12 pùnkturnă
4. Ambolden and-i rromani čhib!
12 pùnkturnă
 - a) Sunt bucuros că am ajuns cu bine în vechiul şi frumosul oraş Cluj-Napoca.
 - b) Olimpiada Judeţeană de Limba Rromani se ţine sâmbătă, 18 martie 2023.
 - c) Familia mea acordă o importanţă mare educaţiei noastre.
 - d) Am învăţat foarte mult din această carte, dar şi din alte cărţi de limba rromani.
5. Keren jekh xramosaripen, and-e 15-20 rëndură, palal i tème: „So kamav te kerav palal so agorisarav o licèvo?”. And-o tumaro xramosaripen dikhena:
10 pùnkturnă

O ander/ o koncinùto le xramosaripnasqo – 6 pùnkturnă

- Xramosares palal tiri akanutni edukacionălo situàcia. **2 pùnkturnă**
- Sikaves ke savo licèvo kames te zas. Sosθar? **2 pùnkturnă**
- Kon d-aşti te vastdel tut kaj te ingeres maj dur tire stùdie? **2 pùnkturnă**

O organizisaripen thaj o prezentisaripen e godănqo – 2 pùnkturnă

- o organizisaripen e godănqo – 1 pùnkto
- i originalitèta -1 pùnkto

E xramosaripnasqi redaktàcia – 2 pùnkturnă

- vaş e vortografiaqe règule – 1 pùnkto
- vaş e puntuaciaqe règule – 1 pùnkto